


CATECHISME IROQUOIS

QUATRIÈME ÉDITION

Shelf No.



TORONTO PUBLIC LIBRARY.

Reference Department.

THIS BOOK MUST NOT BE TAKEN OUT OF THE ROOM.

IONTERIWAIENSTAKWA

NE

KARIWIIOSTON TEIEIASONTA.

CATECHISME IROQUOIS.

(QUATRIÈME ÉDITION.)

TIOHTIAKE

TEHORISTORARAKON J. CHAPLEAU ET FILS.

1833.

Imprimatur :

† EDUARDUS CAR., Ep. Marian.



IONTERIWAIENSTAKWA

NE KARIWIIOSTON TEIEIASONTA.

I. TEIEIASONTA.

Sariwiioston ken ?

Wakeriwioston, rakitenron ne Rawen-niio

Onka iakoriwiioston iontatiats ?

Ne iakotenekwaheston, akwekon ionton-tats tsini hawennoten Iesos.

Nahoten akoteniententsera niakoriwiioston ?

Tsi teieiasonta.

Tho, tetsiasonten.

† Rasennakon Roniha, nok Roienha, nok Rotkon Roiatatakenti; ethonaiawen.

Katke nataieiasonten ?

Tsinaehie, tsi nakotawe, tsi naonteren-naien, tsinatientskahonne, tsinaekwentane, nok oni ne watiakotonharenron othenon aiakonikonhrotako notkon.

Oh niiawens naticiasonten ?

Ok̄sa ok̄ onteko n'Ot konserak̄sen ; senha wasakononwene ne Rawenniio, wasakoianerenste oni.

Niawen satenekwaheston,
Sataskat tsi tetsiasontha,
Iesos Kristos hetsienterī ;
Hetsenonwenn, hetsenenton.

Niawen, Iesos Sewenniio,
Ionehrakwat takitenron ;
Askon n'akon̄orōnkwake,
Askon n'akateweienton.

II. TSINIHAITOTEN NE NIO.

Onka ionkwaiatison ?

Niio sonkwaiatison.

Nahoten raweron tsi sonkwaiatison ?

Raweron : aionkienterihake, aionkenonwehake, aionkewennarakwake oni tsinenwejeniakonnheke, nok nentiakoriwaierton eniontsennonni karonhiake tsi neniontonnhokten.

Toni haiatoten ne Niio ?

Raonikonhroskon, iah othenon tetiotokte tsini haiatoten ; roronhison, raonwentsison ; akwekon oni raonhatsiwa rawenniio tsi tionnhe.

Nahoten aoriwa tsi ionton : raonikonhroskon ?

Ne aoriwa tsi iatehaiatonte ; iahtehaia-taieronni ; iah kati taonton ahonwaken non-wentsiakre iiens.

Kanihenteron ne Niio ?

Oktiwakwekon renteron ; karonhiake, onwentsiakre, onwentsiakon oni.

Ohnihatierha karonhiake ?

Sakotsennonniatennis ne tieteron.

Ohnihatierha nonwentsiakre ?

Oriwakwekon ratsteristha.

Ohnihatierha nonwentsiakon ?

Sakohrewatha notkonseraksens ; etho oni sakoiatonties nonkwe iakoriwanerahakskon.

Ise, Niio, takiatison,
Ise takonnhetonhaties,
Ikehre : riwennarawkwak,
Karonhiake takatentsa.

Iakotaskat ronwanonwes,
 Iakotaskat ronwanentons,
 Nonwentsiake ronwaskaneks,
 Karonhiake ronwatkathos.

III. ASENSERATOKENTI.

Totasawe ken ne Niio tsi ronnhe ?
 Iahten ; ok sironnhe, tiotkon oni enhron-
 nheke.

Tonihati ne Niio ?
 Saiatat ok, iah taonton tohka nahatihake.
Tonihati raonhaken ne Niio ?
 Asen ; Roniha, Roienha nok Rotkon
 Roiatatakenti.

Niio ken ne Roniha ?
 Niio ne Roniha ; Niio ne Roienha ; Niio
 oni ne Rotkon Roiatatakenti.

Asen katiken nihati ne Niio ?
 Iahten ; ne ok ne asen natehaiasere ; saia-
 tat ki ok tiotkon ne Niio rawenniio tsi
 tionnhe.

Onka kakowanen nasen nihati ?

Ok satehonnas, aseken skanikonhrat, ska
wennioserat oni tsi asennihati.

Akwekon ken tehakanere ne Niio ?

Akwekon tehakanere, aseken oktiwakwe
kon tenteron ; tehakanere oni tsini iakoni-
konhrawens akwekon nonkwe.

Ok si hanakere Niio,
Tiotkon oni enhronnheke ;
Shaiatat ok, asen tenhnon
Natehaiasere Niio.

Iken : Roniha, Roienba,
Rotkon Roiata tokenti :
Ok satehonnas, shaiatat
Tiotkon tsi asen nihat.

IV. ONKWE ROTATONNI.

Kanikaien nasen nihat onkwe rotonhon ?

Nene Roienha, Iesos Kristos Sonkwawen-
niio ronwaiats.

Onka ronwateweton Iesos Kristos ?

Onwari ioiatatokenti iate kanakwaienteri.

*Oh ni iawenhon tsi ioteweton n'Onwari, iah
se te kanakwaienterihne ?*

Raonha ne Rotkon Roiatatakenti roson
Iesos raieronke nok raotonnhetston Onwari
kaiatakon.

*Nahoten raweron. Niio Roienha tsi onkwe
rotonhon?*

Raweron : aonsakenerensi nonkwe iako-
naskwaientakwe notkonseraksen ; raweron
oni : aonsakeriwahtonte ne kariwaneren ;
aonsakeskontako nonkwe onwentsiakon ta-
iakotonnhakarion.

*Tokenske katiken aiaakotkaronnihon nonkwe,
niah onkwe tahotonhon Niio Roienha ?*

Tokenske akwekon nonkwe aiaakotetsira-
ton nonwentsiakon.

Toni wenniseroten rotonni Niio Roienha ?

Ne nonwa konwaiats Sahattonni rawenni-
sera.

*Ohni hoieren nonwentsiaké sireskwe né Ie-
sos ?*

Sakorionnienni nonkwe tsi naieiere nai-
koiatatakentonhake ; sakoseronnienni oni
ioianerstenstakwa nakotonnhetston ; sakoron-
hiakense, sakawenheiase oni.

Toni ioriwahnerakwat !
 Niio onkwe rotatonni,
 Iesos Kristos ne ronwaiats,
 Nene sesonkwaskontakwen.

O Iesos takewenniio !
 Konsennaiens nok konnentons,
 Hiatatienha Rawenniio,
 Wari oni hiatatienha.

V. SESAKOSKONTAKWEN.

Rawenheion katiken Niio Roienha onkwe rotonhon ?

Rawenheion tekaiasontne, ne rawenheiaton tsini sakononwehon nonkwe ; raweron : ii akiheie, akaonha aiakonnheke nonkwe nok aiakoientake aiontsennonni karonhiake tsinenwe.

Toni wenniseroten rawenheion ?

Ne nonwa konwaiats Ronwaiatanentaktonne rawennisera.

Toni wenniseroten shotonnheton ?

Ne nonwa konwaiats Sonsahatonnhe
rawennisera.

Toni wenniseroten karonhiake ieshawenon-
ton ?

Ne nonwa konwaiats *Iesos karonhiake son-*
sarete rawennisera.

Toni wenniseroten thonnhao ne Rotko
Roiatatakenti ?

Ne nonwa konwaiats *Rotkon Roiatatakent-*
ti rawennisera.

Ka thenteron nonwa ne Iesos ?

Niio tsini hiatoten, oktiwakwekon then-
teron ; nok Onkwe tsini hiatoten, karon-
hiake Okaristiakon oni renteron.

Sonkwaronhiakense Iesos,
Rawenheion kaiasake ;
Taonken sonkwanonwehon !
Taonken hoiatanonwet !

Shotonnheton, sekon sronnhe,
Ieshenteron karonhiake,
Okaristiakon oni
Roiatasetakwenhaties.

VI. KENHEION.

Akwekon ken entewenheie ?

Akwekon entewenheie, katke ki ok, raonha entennonton ne Rawenniio.

To nenioiatawen ne tewaieronke kenha ?

Okenroken enkonwaiatata.

Iatenwatkonten ken nokenrokon ?

Iahten ; tsi nensewatonwentsiarisi ense-watonnhet.

Enkenheie ken nonkwatonnahetston ?

Iah ne nonwenton takenheie.

Oh kati nenioiatawen nonen tenkiatekhasi ne tewaieronke kenha ?

Raonha ne Rawenniio ok sa ok tenhaiatorete tsini ioriwaien ne kariwiio kariwak-sen oni.

Ka kati niienhenwe nonkwatonnahetston nonen tenhaiatoretakwenton ne Rawenniio ?

Tokat karonhiake, tokat onwentsiakon, tokat oni tsi tetieseronniatha, kawenniio ki tsineniakotateriwatsenriase.

Enkiheie katke kiok,
 Rawennio enthennonton ;
 Nok tenhnon enskatonnhet
 N'entsiwatonwentsiarisi.

Karonhiake ne kaskaneks,
 Onwentsiakon ne ketsanis,
 Akwa oni ieronhiakens
 Tsi tetjeseronniatha.

VII. NONEN IAKAWENHEION.

Onka ok sa ok karonhiake eniente neniaiheie ?
 Ne niah nonwenton teiakoriwaneren ; ne
 oni niakoriwanererenhenne, nok tsiakotatre-
 waton, akwa oni tetsiakoriwaserakwen, se-
 kon onwentsiaké siienskwe.

Nahoten iontsennoniatakwa ne karonhiake ?
 Ne iontsennoniatakwa tsi ronwakens ne
 Rawennio, ronwanonwes oni iatekakonte.

Onka onwentsiakon eniente ?
 Ne niakoriwanerahakson ronwawen-
 nontion ne Rawennio, nok iahtetsiakota-
 trewaton sekon onwentsiaké tsi ienskwe.

Nahoten teiontonnhakariatha niakoriwane-rohakskon nonwentsiakon ?

Ne teiontonnhakariatha 1° iakanikohranonwaktha tsi iakoriwaneren iahten tsi tensewaterisionhe ; 2° teiontonnhakariatha ne tsi ieiatakwekon wahontetsirate ot-sirake iatewaswas ; 3° teiontonnhakariatha ne tsi iatekakonte teiakotekhasion ne Rawennioo, iah nonwenton tiiahonwaken, tiotkon tenhnon ensakoswenseke.

To nenwe teniontonnhakariaseke nonwentsiakon ?

Tsinenwe enhronnheke ne Rawennioo ; iah kati nonwenton tataontaieiakenne, aseken iah nonwenton tiiahatonnhokten.

Onka tsi tetieseronniatha eniente ?

Ne niakoriwioston kenha, arekho akwekon tatetsiakoriwaserakwen tsipi iakoriwaneren sekon onwentsiakte sijenskwe.

**Nahoten ieronhiakentha tsi iakotiaktani tsi tetieseronniatha ?*

Ne ieronhiakentha tsi iahtehonwakens ne Rawennioo, tiotkon ronwaiatisaks tsini

honwanonwes ; ne oni ieronhiakentha tsi wahontetsirate ; katkeha sane entsiontiatontako, karonhiake eniente.

Keronhiaken n'onwentsiaké
Takatentsa karonhiake,
Tosa iaake n'oneshon,
Otsirake iahte waswas.

Takrewat nonwa tsi ikes
Nonwentsiaké, Sewennio,
Nok tenhnon askitenrane
Nonen enkiheionsere.

VIII. KARIWANEREN.

Nahoten ne kariwaneren ?
Kariwaneren konwaiats, tsi ronwawen-nonties ne Rawennio, nok tsi konwawen-nonties ne Kentiohkwatokenti.

Tonioriwake tateioriwide ne kariwaneren ?
Teioriwake : enskat kariwanerahakserakaion nok enskat kariwanerahakserase.

Nahoten ne kariwanerahakserakaion ?

Ne kariwanerahakserakaion konwaiats, ne raotiriwanerahaksera tonatierenton nonkwe ; tewakwekon tionkiriwanerahakserarhon setewennakerate.

Nahoten ne kariwanerahakserase ?

Ne kariwanerahakserase konwaiats, nok ii ne tionkwe tewatsenries, ii tewatateriwanerahakserarhos, nonen ionkwanihonhton nonwentsiake.

Toni iotitiohkwake ne kariwanerahakserase ?

Teiotitiohkwake : enskat ioriwatsanit nok enskat kennioriwasha.

Nahoten ne ioriwatsanit ?

Ioriwatsanit konwaiats, ne akwa ioiatak-satha nonkwattonnhetston, skarisions ioianerenstakwa, ionkwannhotons karonhiake, nok ionkwanaaktaiennis nonwentsiakon.

Nahoten ne kennioriwasaasonha ?

Kennioriwasaasonha konwaiats, nok eken iotsiliohtonnis nonkwattonnhetston, kentaksata oni ioianerenstakwa, iah sane akwa teskarisions.

Ise sheriwahontennis
 Iakoriwaneren nonkwe ;
 Sewennio, takiatokef,
 Iesos, takiatatokentist.

Ise iontekwasentakwa
 N'iakoriwanerahakskon,
 Wari senistenserio,
 Askaterennaienhase.

IX. KONTIRIWANERAHAKSERAKWENIROS.

Toni oriwake ne kontirivanerahakserakwennios?

Tsiatak niioriwake : kanaiesera, kanionsera, kanakwaisesatsera, kanosasera, iakares, kanakwensera, nok iakentorha.

Nahoten ne kanaiesera ?

Kanaiesera konwaiats, ne sotsi iontatkonnenstha nakaonha nok iontatkennhrannis nakoren, iienhre : ii senha wakiatanehrakwat.

Nahoten ne kanionsera ?

Kanionsera konwaiats, ne sotsi iakonikohnranentakon ne kaientaon nonwentsiaké.

Nahoten ne kanakwaiésatsera ?

Kanakwaiésatsera konwaiats ne iontsteris-tha ioteriuatehat sonha.

Nahoten ne kanosasera ?

Kanosasera konwaiats, ne iakotatenikon-hrotakwen nakoren waontsennonni.

Nahoten ne iakaores ?

Iakaores konwaiats niateionterientarha tsi teiontskahons nok tsi iehnekirha.

Nahoten ne kanakwensera ?

Kanakwensera konwaiats, ne sotsi ont-rianeron nakonikonghra, iakonnhas aion-tatswen.

Nahoten ne iakentorha ?

Iakentorha konwaiats ne iakoterihonko-htenitskon kariwiiostonke, nok oni ne ion-nikonhrokta kaiotensera sonha nonwent-siaké.

Oh nahoten ne iontateriwanerahaktennis ?

Iontateriwanerahaktennis konwaiats ne-ne tokat iewennake, tokat ieweennake, ako-ren waontatenikonhrenhawite kariwaksen-ké, iawet iaontatreke moneshon.

Tsiatak nikon ne ienaie,
 Ienosas, ienakwailesen,
 Iakonion, iakaores,
 Iakonakwens, iakentorha.

Skeriwaswens, Sewenniio,
 Kariwakkenskwe okonha :
 Takitenr, askienawase
 Aonkerihonti onwe.

X. ASEN NIKONTIRIWAKWENIIOS RAWENNIIOKE.

To niioriwake ne kontiriwakweniios Rawenniioke?

Asen nioriwake : iakoriwiostakon, iakorharekon, nok ronwanonwestha Niio.

Nahoten ne iakoriwiostakon?

Iakoriwiostakon konwaiats, tsi sakowis ne Rawenniio naontaiakawehtakon tsinikon sakoriotasienni nonkwe, ne ionkwarionniennis Kentiohkwatokenti.

Kanonkaien ne kontiriwakweniios ne Kentiohkwatokenti ionkwarionniennis?

E!honon ieioteroron tsi ierihokta *Tewa-kehtakon Niio Roniha* ne ronaterennaientak-

serison Iesos ratikwekonne, sathonreni non-wentsiakwekon.

Serihekten iakoriwiiostakon ?

Sewenniio, tewakehtakwen akwa oriwiio tsinikon ionkwariionniennis ne Kentiokwataokenti, aseken ise tisawenninekenhon niah-taonton asennowente.

Nahoten ne iakorharekon ?

Iakorharekon konwaiats, tsi sakowis ne Rawenniio nakwah aiakorhareke tsini sakorharatstenni nasakoienawase ne karon-hiake aiontsennonni.

Sokten ne iakorharekon ?

Sewenniio, akwah wakerhare nenskienawase tsinakiere ne karonhiake akatsennonni; ne enskitenrate tsini sonkwatsennonni-atenni Iesos Sonkwawenniio, aseken ethoni skwarhararatstenni.

Nahoten ne ronwanonwestha Niio ?

Ne ronwanonwestha Niio konwaiats, tsi sakowis ne Rawenniio ne raonhaa ahonwanonwehake tsini hoianere nok ne raonha raoriwake aiontatenonwehake ne sateiakonkwe tsi nakaonha niiontatenonwes.

Sokten ne ronwanonwestha Niio ?

Sewenniio, sonhatsiwa konnonwes akeni-konhrakwekon, aseken iahtiaiehewe tsini saianere ; nok ise sariwake khenonwes ak-wekon nonkwe tsi nii nikatatenonwes.

Asen ok nioriwake
Ne kontiriwakweniios,
Watiesen n'aierihokten,
Eso iontsennonniatakwa.

Ne iakoriwiiostakon,
Nok oni iakorharekon,
Nok ronwanonwestha Niio,
Iontatenonwestha nonkwe.

XI. ATERENNAIEN.

Nahoten kakwenies asonkwentenre ne Rawenniio ?

Tsi ionterennaiens.

Nahoten ne ionterennaiens ?

Iontennaiens konwaiats, Rawenniioke iontennikonhrenhawitha nahonwennitentase.

Rathontats ken ne Rawenniio tsi ionterennaiens ?

Rathontats ne iakonitenton, niatekon sakotenre.

Katke niioteriwison naionterennaien ?

Arahonne tsi nahontketsko, tsi nakotawe nok tikate ne watiakotieronnionse othenon nonwentsiaké.

Ohneniakoiatawen n'iahte ionterennaien ?

Entsiakoteriwahtonse tsi iakoriwioston, nok enwatatenaskwaienhase notkonseraksen tsi iakonnhe.

Raonhaa ken ronwennitentase ne Rawenniio tsi ionterennaiens ?

Iahten : ranowes oni nakonwennitentase n'Onwari, ahonwennennitentase oni Eronhiakehronon nok n'Akoiatatokentison, naionkiwennakaratate tsi tewaterennaiens.

Kanikaien ne kontiatakweniios ionterennaientakwa ?

Ne 1° Takwaienha ne Iesos roterennaientakserison ; 2° Onwari tekonnororonkwaniion, ne raotiwnna ne Raronhiakehronon nok n'Arisawet oiatatokenti.

*Onka iason noia sonha ionterennaiantakuwa ?
Nene Kentiohkwatokenti nok n'Akoiata-to kentison.*

Tiotkon tewaterennaien,
Tiotkon ionkwanitentonhak,
Niatekon tentewatentsa,
Ensonkwentenranion Niio.

Ionwesen aionterennaien,
lawet Niio tajetaren :
Iakotaskat n'ieweiente,
Sakotsennonniatennis.

XII. ORIWATOKENTIKOWA.

*Toni karihoten n'Oriwatokentikowa ?
Oriwatokentikowa konwaiats ne nakwah
raonha Iesos roriwison naiakoiatokentiste
nonkwe.*

*Nahoten kanoronstakon n'Oriwatokentikowa ?
Ne kanoronstakon n'Oriwatokentikowa,
tsi etho roien'lesos tsinikon sonkwatsennonniatenni sasonkwaronhiakense sasonkweneiase oni.*

Toni oriwake n'Oriwatokentikowa ?

Tsiatak nioriwake : Iontatenekwahestna, Iontatkentsiokhas, Okaristia, Sewatateronkwenni, Iontatiatokhas teiakokonhenton, Iontaterihontakwa naiehasen, nok Tewate-ranekenseratokenti.

Toni karihoten Iontatenekwahestha ?

Iontatenekwahestha konwaiats, Oriwato-kentikowa ne skarakewatha kariwanerahak-serakaion, kariwanerahakserase oni aiakoriwaiantake ; ionkwaniserawis ne Rawen-niio, nok ionkwanistenserawis Iesos raotio-hkwatokenti.

Toni karihoten Iontatkentsiokhas ?

Iontatkentsiokhas konwaiats, Oriwato-kentikowa ne ionkwaiatawis Niio Rotkon Roiatatokenti, sonkwaianerenstha tsi sonkwatiennis, sonkwanikonhrahnirats oni ne kariwioston aetewenheiate.

Toni karihoten Okaristia ?

Okaristia konwaiats, Oriwatokentikowa ne roiatasetakwenhaties raonha Iesos Sonkwawenniio, akwa tsini haiatoten karonhia-

ke, iken ne raieronke, raonekwensa, rao-tonnhetston akwekon oni ne raoniosera, etho ionatasetakwenhatie tsi kaieronni kanañarok kenha, otsitsia kenha oni.

Toni karihoten Ohaseratokenti ?

Ohaseratokenti konwaiats, tsi rahasens riwaiennis ne Rawennio Iesos raieronke nok raonekwensa.

Toni karihoten Sewatateronkwenni ?

Sewatateronkwenni konwaiats, Oriwato kentikowa ne skarakewatha tsini iakoriwa neren tsinahe tiakotenekwaheston.

Toni karihoten Iontatiatokhas teiakokonhenton ?

Iontatiatokhas teiakokonhenton konwaiats, Oriwatokentikowa ne tsiotsientha tsi teiokonhenton onkwatonnhetston ; aren's oni tsiotsientha nieronke naonsalinton tsi iakononwaktani.

Toni karihoten Iontaterihontakwa ne ratihasens ?

Iontaterihontakwa ne ratihasens konwaiats Oriwatokentikowa ne Iesos ronwariwa-

wase oriwatokentisonha, nok rotiienawase
oni ahotiriwaieritonhatie tsini honateri-
hon te nonwentsiake.

Toni karihoden Tewateranekenseratokenti?

Tewateranekenseratokenti konwaiats, Ori-
watokentikowa, ne iatekakonte teiakorahne-
kens, iawet tsionkwetat akenhake ne teion-
kwetake, nok iakoienawase oni kariwiios-
tonke aiontatehiaron ontatienna enkenhake.

Oriwatokenti kowa
Tsiatak nihoriwisannhon
Ne Iesos Sonkwawennio,
Thetsitewanonweratont.

Ne sonkwaianerenstakwa,
Sonkwaiataktentistha,
Sonkwanikonhriostakwa,
Sonkwanikonhraniratha.

XIII. IONKIIATENIENTENSE.

To naieiere ne karonhiake aiontsennonnii?

Ahonwawennaieritseke ne Rawennio,
akonwawennaieritseke oni ne Kentiohkwa-
tokenti.

Toni hawennake ne Nio rawennio tsi tionnhe ?

Oieri : «Saiatat ok Nio hetsewenniostak.»

Nahoten konwaiats Kentiohkwatokenti ?

Kentiohkwatokenti konwaiats ne raonha Iesos rotiohkwison, akotiohkwakwekon iakoriwioston teieiasontha, sakotsteristha Ariawakonkowa ne ronwakowanen, Ratiwiawakonson ronwaienawasehaties.

Iah ken taonton karonhiäke aiontsennonni niahte ieiatare ne Iesos rotiohkwison ?

Iah taonton, aseken nene raonhaa rotiohkwison, ratakwenniahieni ne raoianerensera.

Toni Kawennake ne Kentiohkwatokenti ?

Tsiatak : “ Tsiatarak Ohaseratokentonke.”

Oieri ni hawennake
Ne Rawennio tsi tionnhe,
Nok tsiatak nikawennake
Nene Kentiohkwatokenti.

Sateseriwaieritsek ;
Tosa satennikonhriokt ;
Karonhiäke katke sonha
Iotsennonniat iensatkatho.

XIV. IOIANERENSTAKWA.

Nahoten ne Ioianerenstakwa konwaiats ?

Ne Ioianerenstakwa konwaiats, tsi sakotentre ne Rawennio, sakowis naiakoianereke nonwentsiake, naiontsennonni nohnaken karonhiake.

Nahoten sonkwentenratha ne Rawennio ?

Akwekon ne sonkwentenratha tsi sonkwaronhiakense nok sonkwenheiase Iesos.

Oh niiot tsi sonkwentenre ne ioianerenstakwa.

Arens sonkwanikonhratas tsi tewateren-naiens ; nok ne senha kontihawanions nioianerenstakwa okon, n'Oriwatokentikowa konwaiats.

Iah katiken taonton nok akaonha aienrhe-ke aontakeriwaicerite ?

Iah nonwenton tiaanton, niahtasakoienna-wasere ne Rawennio.

Oh neniaakoiatawen ne ionteraiatakwa tsi tesakoswatetennis ne Rawennio ?

Asatakon eniakonnheke, nok kariwanera-hakserakon eniontonnhokten.

Arens sonkwanikonhratas,
 Sonkwanonks ne Rawennio ;
 Tosa tewateraiatak,
 Ok sa hetsitewatontats.

Iah nonwenton tiaonton
 N'aetewateweienton
 N'iahtasonkwawire Niio
 Ne raoianerenstakwa.

XV. SEWATATERONKWENNI.

Toni karihoten Sewatateronkwenni ?

Sewatateronkwenni konwaiats, Oriwato kentikowa ne skarakewatha tsini iakoriwaneren tsinahe tiakotenekwaheston.

Akwekon ken skarakewatha nok oni ne ioriwatsanitenions ?

Akwekon ska rakewalha kawennio aieri waierite oriwakwekon tsini hotenienten ne Rawennio.

To kati nioriwake aieriwaierite naonsonterrakewe ?

Wisk nioriwake : 1° aieriwisake tsinikon akoriwaien niotaksen ; 2° aonsaiontonnha-

kanonni ; 3° aionterientasa ; 4° ahonwari-hoktase Iesos roriwawase tsinikon iakehiare ; 5° taonsaieriwasera.

§ 1. AIERIWISAKE.

To naieiere naieriwiwaké ?

Aiontiatarako tsi ionkwehne, ahonwenni-tentase ne Rawenniio, aiairon : “ Sewenniio “ tsi konnhe, ise saterientare tsini wakeri-“ waneren, aseken iah othenon te sanekhe-“ rents ; takitenr kati aonsakehiarane tsini-“ kon konnikonhraksaton, aontiesenhaké “ taonsakeriwaserako tsi sekon skennen ikes “ nonwentsiaké, tosa askrewate nonwentsiaké “ kon tsi nenkatonnhokten.”

To nonwa naieiere ?

Onen tenhnon nonwa aonsaiontatehiah-rakwen tsini ionnontonionkwa, tsini iontatiatha nok tsini iontieranions kanonskon, atste, ononsatokentike nok oni ka ok nonwei tiens.

¶ 2. AONSAIONTONNHAKANONNI.

Oh naieiere nonen saeriwatsenri tsi iakoriwaneren ?

Aonsaintatrewate n'akonikonhrakon, akwa aonsaieriwaswenseke tsini iakoriwaneren.

Toni karihoten aonsaintatrewate ?

Aonsaintatrewate konwaiats, akwa aonsaieriwaswenseke tsi iakoriwaneren, nok aionterientasahaseke oni iah taonsaieriwanerake nohnaken.

Aonton ken nakaonhatsiwa aonsaieriwaswenseke tsi iakoriwaneren ?

Iah taonton, tsi ok ahonwaneken ne Rawnnijo asakanikonhrataa naieriwaswen tsi iakoriwaneren ; nok oni taieiatorete nakaonha tsini ioriwake ieriwaswatha ne kariwaneren.

Eso ken ioriwake ieriwaswatha ne kariwaneren ?

Eso ioriwake : 1° Taieiatorete, aonhaa tsini ioriwatsanit ne kariwaneren, aseken

ioiataksatha nonkwatonnhetston, tsiniiot notkenseri kentaksatha ne tewaieronke kenha tsi wetewenheie ;

2° Taieiatorete tsina teiotenonhianiton ensakohrewate ne Rawennio nonwentsia-kon, enskat ok oni aiakoriwanerenhake ;

3° Taieiatorete tsini iakokaronnis ne kariwaneren, iken tsaerewanerake tiakotkaronniaton ioianerenstakwa nakotonnhets-ton, iah oni tetsionwesen nakonikonhrakon akwekon oni iahte tsiaconaktaien ne karon-hiakte ;

4° Taieiatorete aonhaa ne kariwaneren roiatantaktakon Iesos Sonkwawennio te-kaiasonteke, ne rawenheiaton sasonkwen-heiase ;

5° Taieiatorete tsini ioriwatsanit ronwan-nikonhraksatha ne Rawennio, raonhatsiwa tsini haiatanoron, tsini honikonhriio, tsini hotanitenraskon, akwa iah othenon tetio-tokte tsini haiatoten.

Nahoten ietokatha tokenske tsieriwawens tsi iakoriwanerən ?

Ne ietokatha, 1° tsini iosatste iakonikonhranonwaks, tikenha tsi iakoterientare aia-konikonhranonwakseke nothenon aiakotkaronniaton nakwah ienoronkwa ; 2° Ne oni ietokatha tsi wahonwariwaienhase se-sakoronkwenni tsineniakoiatawen, tsinen-sakoierase ; 3° Ne oni ietokatha tsini ions-teniarons taonsaieriwaserako.

§ 3. AIONTERIENTASA.

Iah ken taonsonterakewe tsi iakoriwaneren iahie iakoterientason ?

Iah enskatha taonsonterakewe ; okeken senha ronwanikonhraksatha ne Rawenniio, ne ronwawennoretakwa tsi iontons, onen sewakatonnakanonni, iahse tokenske te-ken.

Nahoten ietokatha tsi iah tokenske teiako-terientason ?

Ne ietokatha, onen tsini tiawenhon ions-teristha kariwaksenskweokon ne iontsteris-takwe arekho tsi tsiontateronkwenni.

. Senha katiken ioriwatsanit naonsaiontsteriste kariwaksen tsiakorihontionne ?

Senha ne ioriwatsanit, aseken ronwakenerseronnis ne Rawennio sakotenronne.

Onka senha oriwiio tsi tsiakotatrewaton ?

Ne konwaiats senha oriwiio tsi tsiakotatrewaton, nene niatehaiati ne Rawennio roriwa tsi tsiontatrewhatha tsini iahtiiiahewe tsini hoianere.

Nahoten iontsennonniatakwa netho niiot tsini tsiakotatrewaton ?

Ne iontsennonniatakwa ok sa ok sonterakewe n'akoriwanerahaksera, kawennio kionskaneks naonsaiontateronkwase.

Onka ne tikenha oriwiio tsi tsiakotatrewaton ?

Ne konwaiats tikenha oriwiio tsi tsiakotatrewaton, nene neok tsiontatrewhata taki tsini wahetken ne kariwaneren, tsi oni niietsanis noneshon, nok tsini iennhatens ne karonhiakte.

Nahoten iontsennonniatakwa nehniiot tsi tsiakotatrewaton ?

Ne nennee iontsennonniatakwa, ensewate-

rakewe sane nakoriwanerahaksra, tsi ok tenhnon ensakoterennaienhase ne skarake-watha.

Nahoten iontsennonniatakwa, ne ok aoriwa tsiontatrewha nothenon sonha nonwentsiak?

Iah othenon te iontsennonniatakwa, aseken iahtehaiatare ne Rawennio tsi tsiakotatrewaton.

Akwekon ken iontsennonniatakwa ne ierihoktha Tsiontonnhakanonniatha ?

Iah akwekon te iontsennonniatakwa, iken notiahke ne ok ne iontsorianeronkwas, iahse tokenske tetiakawehtakwen nakaweriane.

Sewaterakewas ken tsi iakoriwaneren ne tsioriwat iate tsieriwawens ?

Iah othenon te sewaterakewahtha ; tsi ok akwekon satetsieswens ne ioriwatsanit nahoten, ne ok ensewaterakewe akwekon.

To kati niiakoiatawens niakoriwanerahaksra, tiotkon sane tsiontateronkwennis nok iahte tsiontatrewhatha ?

Iah othenon te tiotkte tsini iakoriwanerenhenhaties, senha iontatenikonhranirats

kariwaksenke, iahtetsietsanis naeriwane-rake, nok oni sewatierens oktontaiawentsi wahiheie, iate tsiakotatrewaton.

§ 4. AHONWARIHOKTASE.

Kani kaien ne kaierihaton aieriwaierite ?

Ahonwarihoktase Iesos roriyawase tsini-kon iakoriwaien ne iotaksen.

Oh naawan, ioriwatsanit iakoriwaseton, tsioterakewen ken notiake tsi iakoriwaneren ?

Iah enskatha tetsioterakewen ; ne tenhnon senha ioriwatsanit iakoriwanerahakton, aseken iakoriwaiesaton sewatateronkwenni.

Tonaieiere nonen sesakoronkwennire ?

Ok etho taiontontsoten tsi renteron ; taie-iasonten, aiairon : “ Rakeni, takwateren-“naienhas, aseken wakeriwanerahakskon ; ” nok aierihokten *Tsiontateronkwennitha*.

Tonaieiere nonen iakorihokte tsi iakoriwaneren ?

Aiairon : *Ethonikon kehiare, Rakeni, akwekon*

sakatatrebate nok oni tsinikon niahte kehiare ; askitenre, askenatonhase taonsakeriwaserako.

Tonaieiere nonen wasakoterennaienhase ne skarakewatha ?

Ethoné akwa aionkwisron nakonikonhrakon aonsaiontatrebate ; aienrheke, iah non-wenton taonsakeriwanerake nohnaken ; nok skennenha aerihokten *Tsiontonnhakanoniatha.*

§ 5. TAONSAIERIWASERAKO.

Nahoten ne teskariwaserakwen konwaiats ?

Teskariwaserakwen konwaiats, tsi shonwanikohraseronnis ne Rawenniio ronwasentennihne, nok oni tsiontatenikonhraseronnis nonkwe, iontatenikonhraksatonne.

Nahoten shonwanikohraseronniatha ne Rawenniio ?

Ne shonwanikohraseronniatha, atatiesaton, atatitenron, entakon, karonhiakenhon ; ne oni shonwanikohraseronniatha naieriwaierite tsi nahoten ensakonatonhase sewatateronkwennike Iesos roriawawase.

Nahoten tsiontatenikonhraseronniatha non-tatekenson ?

Ne tsiontatenikonhraseronniatha naon-saiontatieritse tsini iontakaronni.

O Iesos ! akwa kaskaneks
N'aonsakatatrewate,
Aonsaionkeronkwase,
Takitenr, tosa katiesat.

Sewenniio, askitenre,
Tetswatet n'akenikohra,
Tasrite n'akeriasa,
Tasnerensi n'akennasa.

XVI. OKARISTIA.

Toni karihoten Okaristia ?

Okaristia konwaiats, Oriwatokentikowa, ne roiatasetakwenhaties raonha Iesos Son-kwawenniio, akwa tsini haiatoten karonhia-ke, iken ne raieronke, raonekwensa, rao-tonnhetston akwekon oni ne raoniosera etho ionatasetakwenhatie tsi kaieronni kanatarok kenha, otsitsia kenha oni.

Katke nihoriwison Iesos Okaristia ?

Entakta tsihonwariosere.

Nahoten raweron tsahariwisa n'Okaristia ?

Raweron, tiotkon akariwateke kariwiostonke tsini hoieren sahonwario.

Oh nihoyerien sahonwario ?

Rowennioston Niiro Roniha ne raieronke, raonekwensa nok raoronhiakensera ne taon-sahariwaserakwate tsini iakoriwaneren non-kwe.

Sekon ken nonwa nihowenniostha ne Roniha tsini hoieren nethone ?

Sekon nihowenniostha tsi iakohasen niate wenniserake.

Teskiatieren katiken tsi iakohasen tsini hoieren sahonwario ?

Akwa ok ne saoriwat wataties ; sekon nonwa niate kahaserake iakohasenton se-sonkwaskontakwenhaties.

Oh nihatierha Iesos Okaristiakon ?

Onen tsini tiawenhon shonikonhraseron-nihaties ne Roniha tiotkon ronwanikonhraksatanions nonkwe ; sakotenranions oni on-

ka kiok wahonwaiatisake nok oni sakotien-nis ne ronwanaktotani nakonikonhrakon.

Sonkwannhaon ken ne Rawennio naetewaia-taraseke Okaristia ?

Akwa sonkwannhaon, ensakohrewate oni niahte iontsteristha asakotienhase, iken ron-wanaktanhese akaweriane, katkeha oni ne raonha eusesakonaktanhese karonhiake.

Nahoten iontsennonniatakwa naeiatricane ?

Ne iontsennonniatakwa tsi raonha Iesos sakotienis onwe akwa tsini haitoten karonhiake ; ne oni iontsennonniatakwa tsi akwa wahaianerensté nakotonnhetston.

Akwekon ken iontsennonniatakwa naeiatricane ?

Iah akwekon te iontsennonniatakwa ; otiake okeken senha iakotatkaronniionhatie tsi sakotieunis.

Oh nakentiohkoten niah othenon te iontsen-nonniatakwa tsi sakotienis ?

Nene kentiohkiksenskwa, iakoriwase-ton sewatateronkwennike ; nok otiake ori-wakwekon sane ronwarihoktani ne sesako

ronkwenni, nok iah te tiakonikonhrasahaton niatekakonte aonsaiakorihonti ; nok otiake tsiniiot ne iontennowentha nahenterontake Okaristiiakon.

Akawentakon ken niienhre, akiatarane ?

Akwa akawentakon ne skennen tiakonhne. Asonthen naontaiontasawen niah othenon taonsaieke, iah oni othenon taonsaiehnekihra.

Teiontskahons ken n'Okaristia ?

Iahta teiontskahons ; ok skennen tahonhnekwane.

To naieiire nonen sakotiennire ?

Akwa aiontewein ton tsini kahaseres ieatarasere ; aierihokten ieatarastha.

Nahoten ieherha tsi iehasentakwa nonen iehasenne ?

Kanatarok ieherha otsitsia oni.

Tiotkon onte ken kanatarok iken otsitsia oni ?

Iahten. Tsinahawennahnoton ne rohasen tsini hoieren Iesos sahasa n'Okaristia, ethone natesewattenies ne kanatarok otsitsia oni, Iesos raieronke nok raonekwensa watons.

*Tsi tehaiaks n'Okaristia, iah ken tatehoia-
tiaks Iesos ?*

Iahten ; ne ok tehaiaks tsi kanataraieronni.

*Kanonkwati raiatare Iesos nonen teiakokha-
sion n'Okaristia ?*

Oktatetsiaronkon tehaiatare.

*Tokat kenniwaas sakonnhonton, raiatakwekon
ken sakotienni ?*

Raiatakwekon sakotienni, aseken raiata-
nanon Okaristiiakon.

*Tokat tekaiasere ensakonnhontho, tekeni ken
tensakotienhase ?*

Iahten ; enskat ok ioriwentaon ensako-
tienhase.

*Thahenties ken Iesos karonhiake nonen
wahatien n'Okaristiiakon*

Iah heren tehretha ; tenteron karonhiake
renteron oni Okaristiiakon, aseken iah
othenon tehonoronse.

*Tekiattihen onte ken n'Okaristia, ne tekaia-
sonte ?*

Akwa eso tsi tekiattihen ; iken ne tekaia-
sonte, ne ok watenientenstakon tsi ronwaia-

tanentakton ; nok n'Okaristiiakon tokenske
onwe renteron.

Toni karihoten naontiesate tsi sakotienis ?

Ne aonhatsiwa ioriwatsanit tsinikon ieri-
wanerahaktha nonwentsiaké.

*To naieiere ne iakotahitakhe ahonwaiente-
rhane ne Rawennio ?*

Niate wenniserake ahonwanekenniheke
nasakotenre, karo naiaiheie, tosa nonwen-
ton aiontiesate tsi ensakotienhase.

To naieiere naienrheke, tosa akatiesate ?

Aonsaiakorihonti tsini iakoriwannhikon-
haties ; akonwatekwenniheke ne kariwak-
sen, nok akonwehiahrontie tsi iakoriwiost-
ton.

Toni ioterihonte n'Okaristia ?

Tekeni teioterihonte, Rawennioke, ten-
non onkwehne, aseken aonha n'Okaristia
tetsiakorahnekens nonkwe nok ne Rawen-
nijo, tehonatekhasionne.

*Oh niiot tsi ioterihonte ne Rawennioke
nonkwati ?*

Ne tsi iatetsiotatawi naonnise katsenen
sonha ronwaienniskwe ne Rawennio, nok

nonwa ne ok shonwaiennis Iesos raieronke
nok raonekwensa ; nene *Iehasens* konwaiats.

Oh niiot tsi ioterihonte onkwehne nonkwati ?

Ne 'nennee tsi sakotiennis naeatarane,
ratsientani nakotonnhetston, aiakonikon-
katsteke tosa aiakosenni notkon, tsi iieks
ne raieronke nok raonekwensa ; ne *Oriwa-
tokentikowa* konwaiats.

*Iakonaktote ken nokti iakonkwesonha ahon-
waienhase ne Rawenniio Iesos raieronke nok
raonekwensa ?*

Ok eken ioteriwison niakoriwiioston okon
tsi ionterennaiens taiakoienawakon ne roha-
sen, nahonwaienhase Iesos raieronke nok
raonekwensa, aienrheke : akanoronke tsi
katerennaiens.

Okaristiiatokenti,
Konwenniostha tsi konnhe,
Konnoronkwa, konniahesen,
Konsennaiens nok konnentons.

Sase iahte konkens, Iesos,
Tsi nonwa nisataseton,
Senha ok eken kaskaneks
Ok sa n'askataweiaten.

XVII. IONTATKENTSIOKHAS.

Toni karihoten iontatkentsiokhas ?

Iontatkentsiokhas konwaiats Oriwatoken tikowa tsi sakotieennis ne Rotkon Roiatatokenti, nasakonikonhrahni rate, ne tosa aia-kosenni notkonseraksen nonwentsiake.

Onka ne Rotkon Roiatatokenti ?

Ne nashen ratontha nashen natehaiasere ne Niio.

Rawenniio ken ne Rotkon Roiatatokenti ?

Akwa ne sahajatat Rawenniio ne Roniha nok Roienha nok Rotkon Roiatatokenti.

Oh nikarihoten tsi sakotieennis ne Rokon Roiatatokenti ?

Sakowis onikonhratokenti, etho iawet naiakonikonhrotenhake tsini honikonhrotenne Iesos onwentsiake sireskwe.

Akwekon ken sakowis netho naiakonikonhrotenhake ?

Iahten ; tsi ok niakon nakwa iakotennie-konhraseronni.

Akwa katiken iotsennonniat naontatkentsiokhawe ?

Akwa, aseken ne skakwatakwas naiako-tiesaton tsi iakotenekwaheston.

Senha katiken ieiatanorons kariwiiostonke nonen iakotkentsiokha ?

Senha ; aseken tsi sakawenhienarhon Ariawakon wenhienatokenti, iiore onwe neiatake tsi sakoiatarakwen ne Rawennio, tsiniiot nakoskenrakehte, asteson aiakoterriohake notkonseraksen.

Kariwaksen katiken niahte iontsteristha na-sakokentsiokhawe ?

Akwa kariwaksen, aseken tsiniiot niah-tiiekaieri tsi iakoriwiioston narekho teia-kotkentsiokha ; raonha Ariawakon ensa-koieritse tsi iakoriwiioston nensakokent-siokhawe.

Tonaieiere naieriwaierite tsi iakotkentsiokha.

Akwa akonikonhrakwekon aiakoterienta-sonhonhake, aienrheke : tsinenwe enkon-nheke, enkiatakennhaseke ne kariwiioston kewennake keweienake oni.

IONTERENNAIENTAKWA.

Teieiasontha.

† Rasennakon Roniha, nok Roienha, nok Rotkon Roiatatakenti. Ethonaiawen.

Iesos roterennaientakserison.

Takwaienha ne karonhiake tesiteron, aiesasennaien, aiesawenniostake, aiesawenna-rakwake nonwentsiaké tsiniiot ne karonhiake tiesawennarakwa.

Takwanont ne kenwente iakionnhekoniatawenniserake ; sasanikonrhen nionkwarawaneren, tsiniiot nii tsionkwaniikonrhens othenon ionkinikonhraksaton nonkwe ; tosa aionkwasenni ne kariwaneren, akwekon erensawit niotaksense. Ethonaiawen.

Raronhiakeronon raowenna.

Onwari, tekonnororonkwaniions, ise tsiati ioianerenstakwa, Rawenniio senikwekon,

sonhaa nakonnhetien tsini hiakonniensta
ne Niio, Iesos oni hetsienha raonhaa tsini
honwasennaiens.

Onwari saiatatokenti, Niio hetsienha, ta-
kwaterennaienhas ionkwariwanerahakskon
nonwa nok oni tsi nentiakwenheionsere.
Ethonaiawen.

Ratikwekonne raotiwenna.

Tewakehtakwen Niio Roniha iahotheron
tehonoronse, roteweiennonni karonhia on-
wentsia oni.

Tewakehtakwen Iesos Kristos raonhat-
siwa Niio Roienha Sonkwawenniio onkwe
rotonhon, ne roiatison Rotkon Roiatato-
kenti ; Onwari roteweton, iate kanakwaien-
teri. Ethone si hoterihontakwe Konskwirat
ronwaiatskwe, roronghiakenhon ne Iesos,
ronwaiatanentakton tekaintannhareke, ra-
wenheion, ronwaiataaten, onwentsiakon
iehokton, nok asenwatontha niwenniserake
shotonnheton. Karonhiakte ieshawenonton,
etho kati nonwa ieshenteron tsi raweienteh-

takon ne Roniha iah othenon tehonoronse, tentesakoiatoretane neniaconnheke nok oni niakowentaon.

Tewakehtakon oni ne Rotkon Roiatatokenti, Kentiohkwaien otiohkwatokenti, onwentsiakwekon sakentiohkwat, iken teiontatseronniennis akoiatatokentison, sewaterakewas iakoriwaneren, entsiontonnhete niakowentaon, iatekakonte ientsiakonnheke. Ethonaiawen.

Tsiontateronkwennitha.

Niio, ise sewenniio tsiiak ionnhe. iah othenon tesanoronse satontek ; ise oni Onwari saiatatokenti, iahte senakwaienter ; Wishe satkon seronhiakchroncn, Sawatis saiatatokenti ; Tier, Kor oni Iesos hetsiseniwenneenhawakwe, sewakwekon ne Sewaiatatokenti karonhiakte tisewanakere, ise oni hetseriwawase ne Sonkwawenniio Iesos, sewakwekon tsiatontek, onen wakeriwaienterene tsini wakeriwaneren kennontonniontsrake, kewennake, keweiennake oni ; ii

akeriwa, ii akeriwa, ii akeriwakowa, Onen **kati**, Onwari-saiatatakenti, iate senakwaienteri ; Wishe satkon seronhiakehronon, Sawatis saiatakenti, Tier, Kor oni Iesos het-siseniwennehawakwe, sewakwekon Sewaiatatakenti karonhiake tisewanakere, ise oni hetseriwawase ne Sonkwawenniio Iesos, sewakwekon kwennitentase naskwaterennaienhase, aonsonterakewe tsi wakeriwa-aeren. Ethonaiawen.

Oieri nihawennake ne Niio.

1. Saiatat ok Niio hetsewenniostak, raon-hatsiwa rawenniio tsi sonnhe.
2. Tosa hetsennaiesat Rawenniio raosen-na.
3. Satsterist iawéntatokenton Niio rawen-nisera.
4. Sekonnienstak iesaienha, aionnise asonnheke.
5. Tosa sheiaset nonkwe.
6. Tosa satenakwaiiesat.
7. Tosa senensko.

8. Tosa seiennowenten.
9. Tosa saskaneksek kanakwaijesatsera.
10. Tosa saskaneksek akoren akowenk, aserheke akenensko.

Tsiatak nikawennake ne Kentiohkwatokenti.

1. Tsiaitarak ohaseratokentonke Niio rawniserake, nok oni tsi iawentatokentase-rons.
2. Satsterist iawentatokenton okonha.
3. Aonsaisesaronkwase arahonne enskat tsiniioseres.
4. Ahiatienhase lesos arahonne tsinonsahatonnhet.
5. Satsterist iakawentontietha, kaieri niokwenraron konwaiats, entakta ne wentanororonson, nok oni ne kaieri niwasontashen karoha tsi nonsahatonnhet.
6. Tosa sewarak ronwaiatanentaktonne wenniferate.
7. Aontaseriwaijerite othenon tentsenoneronniontake ne Rawenniio nensatonnishase.

Iakoriwiiostakon.

Sewenniio, tewakehtakon akwa oriwiio
tsinikon ionkwariionniennis ne Kentiohkwa-
tokenti, aseken ise tisawenninekenhon niah
taonton asennowente.

Iakorharekon.

Sewenniio, akwah wakerhare nenskien-
wase tsinakiere ne karonhiake akatsennonni,
nejenskitenrate tsini sonkwatsennonniatenni
ne Iesos, aseken ethoniskwarharatstenni.

Ronwanonwestha Nio.

Sewenniio, sonhatsiwa konnonwes akeni-
konhrakwekon, aseken iahtiaiehewe tsini
saianere ; nok ise sariwake khenonwes
akwekon nonkwe tsi nii nikataetenonwes.

Tsiontonnhakanonniatha.

Sewenniio, onen wakeriwaienterene tsini
wakeriwaneren ; akwa tokenske iatekattokha;
wakite onwe tsini wakieren, niaweta kon-
nakwatenni, konwennontion. Onen kati non-

wa sakatatrewate, skeriwaswens tsini wake-riwaneren, iken ise seriwaswens ne ieriwaneraks. Ne ki skatatrewatakwā tsini konnonwes, sonhaa tsini satanite[r]askon, sonhaa aiesanonwehake naionttokhake non-kwe. Onen kati nonwa sewakatonnhakanonni, akwa tewakennikonhrasahaton, ikeh-re iah nonwenton taonsakiere tsinenwe enkonnheke. Takitenr, Iesos, sasanikonrhen tsini wakieren ; Wari saiatatokenti, takitenr, takaterennaienhas, ahakitenre Iesos hetsienha, karonhiake ahakiatinionte tsinenkatonnhokten. Etho naiawen.

Teiontskahonne.

Sewenniio, wakonwennioste ne tekatskahonne ; rasennakon Roniha, nok Roienha nok Rotkon Roiatatokenti. Etho naiawen.

Tsi naekwentane.

Niawen, Sewenniio, wasetsienten ne kie-ronke, asetsienten oni nakatonnhétston ; rasennakon Roniha, nok Roienha nok Rotkon Roiatatokenti. Etho naiawen.

IEIATARASTHA IEIATARASERE.

1. *Aontaiakaweh takon tsi renteron Okaristiakon.* Iesos, sewennio tsi konnhe, tewa-kehtakon kento sataseton Okaristiakon, tsi kaieronni kanatarok kenha otsitsia kenha oni ; iawet sane kanatarok tsi tekkanere ; nok iah kanatarok tesken ; aseken sakon-waterennaienhase, tsioterision ne kanatarok kenha, ise ki sawaronk iotonhon ; etho oni iwat sanekwensakwekon ne tioneckwaon sae-sariio; ne sakanekwensat tetsiariwaserakwaton nionkwariwaneren. Etho oni kaiatat satonnhetston, aonhaa tsini ioiatatokenti, akwa tsiatakwekon etho sataseton tsi onkwe Niio oni nisiatoten. Sewennio tsi konnhe, iah ostonha tekatennowentha tsi isen, tiotkon enkiterontake Okaristiakon ; okti ien-kiheie enkatontatseke ; ok oni taiakostonts-te naionkeriio, iah taonton aonsakatkawe ; ne tenhnon senha enkatatenikonhrahniratseke, enkerheke, raonha enhakieritse Iesos karonhiake.

2. *Tahonwanonweraton.* Iesos, sewennio tsi konnhe, sonhaa iesennakeraton karonhiake onwentsiake oni. Tekonnonweronnions ; ikehre oni aiakwawennakwekonha-ke ne Ratironhiakehronon kento tiesennitiokwaton , tiotkon teiesanonweratons. Entekhewennaserete kati, enkiron : Iesos sonhaa saiatatokenti, sonhaa satanitenras-
kon, sonhaa iah othenon te sanoronse, sonhaa akwa sewennio tsi konnhe. Karonhiakwekon, onwentsiakwekon oni iesa-
sennaiens ; aiawen oktiwakwekon nonkwe
aiesanonwene, aiesawennioste oni.

3. *Aiontakrennioneke n'akaonha.* Iesos, se-
wennio tsi konnhe, Ratironhiakehronon
tehotinonhianiks taiesakonsakanerake tsini
iotsanit tsiatanoron. Oh kati nisanikonhro-
tenhatie tsi takatiennire ? Iah ken te skia-
taswenhon tsini wakeriwanerahakskon,
ken kenonwenseraien ? Tenhiwennakwe
kati Tier roiatatokenti, enkiron : tontasaton-
nek niha, Sewennio, sotsi kserohen, onwa
tsiok onte enkonhiesate ; katiken nii konkwe

nakerheke ahakataweiaten nenerawenniio tsi konnhe? Enskat ok kati aontasatati, ok sa ok enskaiewentane n'akatonnhetston.

4. *Aonsahonwatatrewaten.* Iesos, sewenniio tsi konnhe, akwa wakenikonhranonwaks tsini konsentenni, iawetowallen konvention. Aiawen taonteranekare nakerikenha ne ioriwanonwehon ne iotaksen, aontonkaserahrihon tsi naonkenikonhranonwakseke, ok taionawentonheke nokaserikenha, ne asteson akatstarhakwaneseke tsini iotsanit konnikonhraksaton tsinahe tsi konnhe. Tokenske, Sewenniio, sakatatenikonhraswen tsini wakeriwanerahakskon, akwa wakaterientasha, iah nonwenton etho taonsakiere tsinenwe enkonnheke.

5. *Ahonwaskanekseke.* Iesos, sewenniio tsi konnhe, iahte sanekherens tsini wakiatanewarat, senha kati ok isehre akheiatienhase. Onen kati wakonwennarakwe, tenkonsterihate oni, enkiron: Iesos, takitenr, takiatisakha, satatenaktaseronnien niare, nok ensatatiatente nakontskwenakon onen waka-

hetkentsi akatonnhetston, toha onte kenheionsere, iahteskasatste tsini kaiatakenheions; ne tsini iokarewaton ne kariwaneren. **A**onsasetsiente tsini satanitenraskon, iahoni othenon te sanoronse, ethonaiawen.

IEIATARASTHA NONEN IAKOIATARAON.

1. *Tahonwanonweraton.* Iesos, sewenniio tsi konnhe, teknonnonweratons nonwa sata-seton nakontskwenakon; ionehrakwat, Sewenniio, tsi nonkiatawen nonwa, ise takiatison, ise seskiatontakwen nonwentsiakon, takwenheiase tekaientannhareke, tsisata-tonnheton, karonhiake nonwa iesesiteron, katkeha oni tenteskiatoretane, ise akwa sewenniio tsi konnhe, Niio, onkwe oni nisiatoten, takatienni nonwa Okaristiakon, iahse konkwe teken, tsini ionewarat kiataksen, wakeriwanerahakskon, aniot otsinon-wa okenrake wateseres, okenrake tewakien-takon, katkeha oni okenra enskaton. Sewakwekon kati sewaronhiakehronon, ise oni

sewaiatatakenti okonha, takwentenr, takwaienawas niha, aetewawennakwekonhake, atsitewatonren ne Rawenniio, tsini hotanitenraskon, rakatienni nonwa Okaristiakon.

2. *Ahonwanonwehake Iesos akonikonhra-kwekon.* Iesos, sewenniio tsi konnhe, sonhatsiwa tsini tsiatanoron, akwa kati tetsiatiestha nonwa nakatonnhetston, isehre iah-tekakonte taiakiateranekenseke. Wakenehrakwas, Sewenniio, tsini skenonwes, iah-teskiataswens tsini kiataksen. Katke nonwenton ethoni iontatenonwehon ? Aonkitehake naonkenororongeheke nakonnonwehake tsini kasatste n'akenikonhra. Onen kati tokenske konnonwes akenikonhrakwekon : ne ki konnonwestakwa tsini sanikonhriio, tsini satanitenraskon ; aiawen tiotkon akonnonwehake tsinenwe enkonnheke !

3. *Ahonwaneken nahoten teiakotonwentsioni.* Iesos sewenniio tsi konnhe, sonhaa tsini satanitenraskon, tiotkon takwennontonnionsisehre : akhetenre n'iakonkwe. Teskanere

nonwa tsi ietent nakatonnhetston, akwekon
tioiewas ioianerenstakwa nahoten ; senha
isehre aionkeneken. Onen ki wakonwenna-
rakwe. Ken kaien akwa wakaskaneke, ike-
hre, ahakitenre, aonsahonikonhrhen tsini
iaweta konnikonhraksaton, akwektsihon
aonsonterakewe tsini wakeriwaneren. Nok
are oia, Sewennio, konniahesen, ikehre
ahakenikonhrahnirate, asakoriste notkonse-
raksen, kieronke nok oni nonkwe okon ka-
neka naontaionkenikonhrotakohé, tosa ai-
onkesenni. Katakitenr niha, Sewennio, na-
onton tsini wakenikonhroten, karo akiheie,
tosa aonsakonnakwaten.

4. *Ahonwawennioste eiatakwekon.* Iesos, se-
wennio tsi konnhe, iah othenon te tiotokte
tsini skitenraton tsi takatienni Okaristia-
kon ; akwa sasahaton tsini saientatie, iah
enskatha te satatienni, iken takewennioston
tsieronke, sanekwensa, satonnhetston, sa-
wenniiosera akwekon ki tsini siatoten. Aon-
kitehake niahtakonnakeren ;
Onen kati
wakoniataienhase akotonnhetston, kenikwe-

konhatie ne kieronke ; konwenniosta oni ne kehiarakwa, tekiatoretakwa, kaskanektha ; iahenskatha takatatienhase, aseken othenon wakientatie, ise takitenron ; akwekon kati sakonhion, akwa seriasakon ionsakionte. Takitenr nisa, Iesos, serakef niotaksen, kaneka nonnaioranentakonhake, aontiesenhake tiotkon askiatonweskwen tsinenwe enkonnheke, nok askiatinionte karonhiakte, tsinenkatonnhokten, ethonaiawen.

Ahonwasennaien Roniha, nok Roienha, nok Rotkon Roiatatokenti ;

Tsiniiotonne tsinahe, nok nonwa, nok oni tsinenwe iatekakonte iahtakariwentane. Ethonaiawen.

v. Ashetenre, Sewenniio, tsi tetieseronniatha tetieron ;

n. Ne ashetenrate tsini satanitenraskon.

ANGELUS.

Rawennio tonnhaon raronhiakehronon, Onwari rahroriane ; nok ethone Niio Rojenha rotiataten kaiatakon, Rotkon Roiatatkenti roiattonni. *Onwari tekonnoñronkwani...*

Kenkiteron raowenк ne Rawennio tsi konnhe, etho kati niiawen tsini sewennoten.
Onwari tekonnohronkwaniон....

Onen onkwe rotonhon Niio Roienha, onen wasonkwennakeratse. *Onwari tekonnohronkwaniон....*

v. Takwaterennaienhas ise Niio hetsienha iotonhon ;

a. Aiawen taiakwatentsa tsini sonkwarharatstenni.

Sewennio tsi iakionnhé, okstensi takwenteron tsi takwatokenstenni tsi onkwe rotonhon n'Hetsienha, ethone siharorianon ne raronhiakehronon n'Onwari ; takwenterat kati tsini sonkwaronhiakense nok tsi sonkwenheiase, aontiesenhake aonsasakwaierenhake ne shotonnheton ; raonha Iesos Sonkwawennio iakwawennakwekon tsi kwennitentase, ethonaiawen.

SUB TUUM.

Etho ionkwatekwashen tsi tesiteron, saiatokenti Niio hetsienha, tosa skenhronni-

hek tsi kwennitentase ; nok othenon nenion-kwaiatawen ne kanoron, askwaiatanons-tatseke ne ionkaronniatha, iahte senakwai-enteri, saiatanehrakwat, tsianorong, etho-naiawen.

Saiatatokenti ne sateionkiiats, ise oni se-wakwekon ne sewaiatokentison karonhiake tisewanakere; onen nonwa sewakwatse kowa, takwentenr takwaterennaienhas ason-kwentenrheke ne Rawennio, iaezewakwe-konhake karonhiake tsinenwe.

Iesos iesanekanonten otsate otsitsiatken tekaieston, takwentenr tosa akenekekaste.

Onwari saiatatokenti iah othenon tesaia-toronhon sasatiata, takwaterennaienhas ne kwaniahesen.

Onwari saiatatokenti iontekwashentakwa-niakoriwanerahakskon, takwaterennaien-has.

Sewennio, wakiatonti noneshonhronon, onkerihonti noneshonhronon aoriwaokon. Tokenkse, Sewennio, iah nonwa taionke-wennakaratate ; akwa nonwa ii wakiatonti noneshonhronon ; ii onkerihonti noneshon-

hronon aoriwaokon ; onkerihonti kanaisesera, kanakwaiiesatsera ; onkerihonti iakononwarahtontha iakononwarioriatha ; onkerihonti kanakwensera, atatswenhon ; sonhaa Sewenniio, wakonwennioste tsi konnhe nok tsi enhiheie, ethonaiawen.

VENI SANCTE.

Karo kase, Satkon Saiatatokenti, sheiatienhas nonwa sheienokonha, nok satekat raoneriane iesanonwestha nakatsiroten.

v. Aontaskwatenniethase sanikonhratokenti.

r. Ase aonsonton nonwentsiakwekon tsi iakoriwioston.

Niio Sewenniio, ise hetsennhaon ne Rotkon Roiatatokenti asonkwarihonnienniheke nonkwanikonhrakon ; askwentenre aiakwantonatseke tiotkon tsina tesonkwawatetenis, aiawen aiakwatkathoseke tiotkon tsini sakotsennonniatennis ne iakoriwakwarision tsi iakoriwioston : ne askwentenrate lesotsiatatienda sonkwaronhiakense nok sonkweniheiase, ethonaiawen.

Onwari iakotenratha.

Wari saiatatokenti, sonhaa iah nonwenton tesaiatoronhon ne iotaksen, sehiarak nisa tsi iahnnonwenton te iakohronken naseiate-wenteton kaneka iakanitenton iakanwen-nonke satanitenrasera, naiesaniahese nase-iatakennha. Ii kati nonwa wakeriwanera-hakskonkowa, akwa tewakennikonrakonta-kwenhatie tsi konhiatisakonhatie ; ise takienha ne iesennakeraton niahte ienakwaienteris ; sasitakta wakatiskwentaren, teskanere wakonshenane tsi tsiteron, tsini wakh-wishenne nakeriwanerahaksera ; okenrake **katerakenries** tsini skatatswens. O ise het-sienha ne Niio, satetsiatanitenron, senist-tenserio kowa, tosa sakenhraten tsini kon-hiennitentase naskitenre naonsakatatrewa-te onwe ; asatahonsioste tenhnon tsi wakate-rennaien, nok asatontate naskaterennaienhase, naonkeriwiostonhake, ethonaiawen.

EN EGO O BONE..

O Iesos sanikonhriio, Iesos satanitenras-kon, teskanere nonwa tekoniatontsotani ;

tewakennikonhrasahaton tsi koniennitentase, akwa asiaton onwe nakeriane : aontonkwehtakonhake tsi wakeriwiioston ; aonkerhareke naskitenre ; iosatste akonnororonkwake tsinenwe ; tiotkon akatatswenseke tsinikon tewakaterientawenriehon nonwentsiaké ; tiotkon oni aonkwaterientasonhonhake nok sa ok aonsakatarewate nothenon enwakennhike ; tiotkon oni akerheke taonšakeriwaserako nakeriwanerahaksera okon, tsi tenkiatoretake, iawet tenkkanerake nakenikonhrakon tsi teīsawehestanion tsiatakwekon ; akeriwanorronkwake tsini skwentyron nethone, nok aonkenikonhranonwakseke tiotkon tsini iesaiesaton nonkwe ; nene tahonenne totrorihne naonnise ne ronontio nok rotokensehakwe Tafit tsi ratonhakwe : Teionkesnonsaweheston, teionkwasitaweheston, nok iakosetanion nakstien okon tsini ionkieren. **Ise** hiatorihakwe, o Iesos sonhaa tsini saiatanonwet! ne kati nonwa askwentenrate.

Montréal—Imp. J. Chapleau & Fils, 31 rue Cotté.
